

Փաստ. անվանումը	Ուսանողական գիտական ընկերության կանոնադրություն
Փաստ. N	ԵՄՀ/ԸԿ-ԿԳ-44-01
Հաստատման ամսաթիվը	05/02/2017
Արձանագրության N	4-17
Հաստատող մարմինը	Գիտական խորհուրդ
Մշակող	Ուսանողական գիտական ընկերություն
Ներդրման/իրականացման պատասխանատու	Ուսանողական գիտական ընկերության նախագահ



ԿԱՆՈՆԱԴՐՈՒԹՅՈՒՆ

ԵՎՐԱՍԻԱ ՄԻՋԱԶԳԱՅԻՆ ՀԱՄԱԼՍԱՐԱՆԻ ՈԼՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ

1. Ընդհանուր դրույթներ

1.1. ԵՄՀ ուսանողական գիտական ընկերությունը (այսուհետև՝ Ընկերություն) ԵՄՀ ուսանողներին և ասպիրանտներին միավորող համալսարանական ստորաբաժանում է, որի նպատակն է՝ նպաստել ուսանողության գիտական, ստեղծագործական և հոգևոր զարգացմանը:

1.2. Ընկերությունը գործում է ԵՄՀ կանոնադրության և սույն կանոնադրության հիման վրա:

1.3. Ընկերության կանոնադրությունը և նրա մեջ կատարվող փոփոխությունները հաստատվում են ԵՄՀ գիտական խորհրդի կողմից՝ ուսանողական բաժնի ներկայացմամբ:

1.4. Ընկերությունն իր հարաբերությունները ԵՄՀ ղեկավար մարմինների հետ կարգավորում է ԵՄՀ կանոնադրությամբ, սույն կանոնադրությամբ և ԵՄՀ գիտական խորհրդի համապատասխան որոշումներով:

1.5. Ընկերությունն իր նպատակների և խնդիրների լուծման, երկարաժամկետ ծրագրերի իրականացման համար համագործակցում է Ուսումնական մասի, Միջազգային հարաբերությունների և հետազոտությունների կենտրոնի, Որակի ապահովման կենտրոնի, ամբիոնների ստորաբաժանումների հետ:

1.6. Ընկերության անվանումն է ռուսերեն՝ Студенческое научное Общество, անգլերեն՝ Student Scientific Society: Իսկ կարճ անվանումները հայերեն՝ ՈՒԳԸ, ռուսերեն՝ СНО, անգլերեն՝ SSS:

2. Ընկերության նպատակն ու խնդիրները

2.1. Ընկերության նպատակն է խթանել, համակարգել և նպաստել ուսանողության կրթական, գիտական, հետազոտական, ստեղծագործական և հոգևոր զարգացման գործունեությանը:

2.2. Ընկերության խնդիրներն ու գործունեության հիմնական ուղղություններն են.

- կրթական, գիտական, հետազոտական, ստեղծագործական և հոգևոր ոլորտներում ուսանողության նախաձեռնությունների սատարում, կազմակերպում և իրականացում,
- ուսանողական գիտաժողովների, կոնֆերանսների, սեմինարների, դասախոսությունների և այլ կրթական և գիտական ուղղվածություն ունեցող միջոցառումների կազմակերպում,
- միջհամալսարանական կրթական և գիտական կապերի հաստատում և արդյունավետ համագործակցության իրականացում,
- համալսարանական գիտական և գիտատեխնիկական ներուժի կառուցվածքի բարելավման և օգտագործման արդյունավետության բարձրացման

- ծրագրերի մշակումը, գիտական կադրերի պատրաստման նպատակով ուսումնասիրությունների իրականացումը,
- գիտական խմբերում և գիտական ծրագրերում ուսանողների ընդգրկվածության ապահովում,
 - ուսանողների գիտական աշխատանքների և այլ գիտակրթական կյուլթերի տպագրման աջակցումը:

3. Ընկերության կառուցվածքը և ղեկավար մարմինները

Ա. Համալսարանի ուսանողական գիտական ընկերություն

3.1. ԵՄՀ ուսանողական գիտական ընկերության ղեկավար մարմինը Ուսանողական գիտական ընկերության Գիտական խորհուրդն է, որի նիստը գումարվում է ուսումնական կիսամյակում ոչ պակաս, քան երկու անգամ:

3.2. ՈՒԳԸ գիտական խորհուրդի կազմի մեջ մտնում են ՈՒԳԸ նախագահը, նախագահի տեղակալը, քարտուղարը և անդամները:

3.3. ՈՒԳԸ գիտական խորհուրդը՝

- քննարկում և որոշում է ՈՒԳԸ գործունեության կարևորագույն ուղղությունները, միջոցներ է ձեռնարկում որոշումների իրականացման համար,
- առաջարկներ է ներկայացնում ԵՄՀ գիտական խորհրդին, Ուսումնական մասին,
- ի գիտություն է ընդունում ՈՒԳԸ նախագահի տարեկան հաշվետվությունը,
- մշակում է ընկերության ընթացիկ և հեռանկարային ծրագրերը,
- հաստատում է իր աշխատակարգը,
- ստեղծում, վերակազմավորում և լուծարում է ՈՒԳԸ՝ սույն կանոնադրությամբ չսահմանված աշխատանքային օղակներ, ինչպես նաև հաստատում է նրանց կազմը և աշխատակարգը, ընդ որում՝ նրանց կարող է լիազորել իր իրավասությանը վերաբերող որոշ հարցերի լուծման իրավունք:

3.4. ԵՄՀ ՈՒԳԸ գիտական խորհրդի նիստն օրինական է, եթե նրան մասնակցում են անդամների ընդհանուր թվի ավելի քան 1/2-ը: Որոշումներն ընդունվում են ընդհանուր թվի պարզ մեծամասնությամբ: Գիտական խորհրդի արտահերթ նիստ կարող է հրավիրվել ՈՒԳԸ նախագահի կամ Գիտական խորհրդի անդամների 1/3-ի պահանջով:

Բ. Գիտական խորհրդի անդամներ

3.5. Ուսանողական գիտական ընկերության նախագահը հաստատվում է ԵՄՀ գիտական խորհրդի կողմից, երեք տարի ժամանակով՝ ԵՄՀ ռեկտորի ներկայացմամբ,

3.6. Նախագահի տեղակալին, քարտուղարին և անդամներին, մեկամսյա ժամանակահատվածում, ԵՄՀ ռեկտորատի հաստատմանն է ներկայացնում ՈՒԳԸ նախագահը՝ Ուսումնական մասի երաշխավորությամբ,

3.7. ՈՒԳԸ-ի նախագահին ի պաշտոնե հանդիսանում է ԵՄՀ գիտական խորհրդի անդամ,

3.8. Ընկերության նախագահին ի պաշտոնե ներկայացնում է Ընկերությունը, համակարգում է Ընկերության գիտական խորհրդի գործունեությունը, ապահովում է ընկերության կառուցվածքային միավորների համագործակցությունը:

3.9. ՈՒԳԸ նախագահը տարեկան հաշվետվությամբ հանդես է գալիս ԵՄՀ գիտական խորհրդում:

3.10. Ընկերության նախագահի տեղակալը նախագահի բացակայության դեպքում ստանձնում է նրա լիազորությունները, համակարգում է քարտուղարության աշխատանքները և ՈՒԳԸ գիտական խորհրդի կողմից ստեղծված աշխատանքային օղակների գործունեությունը, հանդես է գալիս կատարած աշխատանքների մասին հաղորդմամբ:

3.11. Ընկերության քարտուղարը ղեկավարում է քարտուղարության աշխատանքները՝ առաջնորդվելով ՈՒԳԸ գիտական խորհրդի աշխատակարգով:

4. Ընկերության միջոցները և դրանց օգտագործման կարգը

4.1. Ընկերության միջոցները գոյանում են ԵՄՀ բյուջեից կատարվող մասհանումներից, հովանավորների կողմից կատարվող հատկացումներից, ԵՄՀ օրինադրությամբ և ՀՀ օրենսդրությամբ չարգելված այլ աղբյուրներից:

4.2. Ընկերությունը անվճար, համաձայն սահմանված կարգի, օգտվում է ԵՄՀ տարածքային, զույքային, տեխնիկական և այլ միջոցներից:

4.3. Ընկերության միջոցները օգտագործվում են կանոնադրական նպատակների և խնդիրների իրականացման համար:

5. Ընկերության գործունեության դադարեցման կարգը

5.1. Ընկերությունն իր գործունեությունը դադարեցնում է ԵՄՀ գիտական խորհրդի որոշմամբ կամ ՀՀ օրենսդրությամբ սահմանված կարգով:

5.2. Ընկերության լուծարումից հետո նրա ամբողջ գույքը և միջոցները պատկանում են Եվրասիա միջազգային համալսարանին:

Ընկերության հասցեն՝
Հայաստանի Հանրապետություն
Ազատության 24/2
Եվրասիա միջազգային համալսարան